

INUIT ATAQATIGIIT

INATSISARTUNI



12. august 2011
25. januar 2011
11. august 2010

UKA 2011/15
UPA 2011/18
UKA 2010/39

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara.

Ilinniarfinni meeqqallu atuarfiini attaveqatigiinnikkut teknologip ukunatigut atorneqarnerata annertusarneqarnissaanik attaveqaatillu pitsanngorsarneqarnissaanik Naalakkersuisut suliniuteqaqqullugit Inatsisartut aalajangiiffigisassaattut siunnersuut:

1. Internetsi ilinniarfinni atuarfinnilu tamani killilersugaanngitsumik atorneqarsinnaalersinneqassaaq.
2. Attaveqaatit pitsaanerpaat (sukkanerpaat) ilinniarfinni tamani pilersinneqassapput.
3. Ungasianiit ilinniartitsinerup atorneqarnerulernissaa siunertaralugu “ungasianiit ilinniartitsivimmik” pilersitsisoqassaaq. Ungasianiit ilinniartitsiviup pingaarnertut salliutillugulu suliarissavaa nunaqarfinni meeqqat atuarfiini atuartitsissutit ilinniartitsisussaaleqiffiusut naammaginaratumik atuartitsissutaalernissaat anguniassallugu.

(Inatsisartunut ilaasortaq, Kaali Olsen, Inuit Ataqatigiit)

Tunngavilersuut

Ullutsinni attaveqatigiinnikkut teknologip imaluunniit internetsip ilinniartitaanerni atuartitsinermilu atorneqarsinnaanera suli killilerujussuuvoq. Inatsisartut 2010-mut ukiunilu missingersuusiorfiusuni Aningaasanut inatsimmi konto pingaarnermi 40.90.08-mi aningaasat kr. 10,4 mio. ilinniartitaanermi qarasaasiaqarnerup ingerlanneqarneranut aningaasaliissutaapput. Tele Greenlandip internetsimik atuinnermut akigitaasa annertussusaat pissutigalugit ilinniarfinni atuarfinnilu internetsimik atuneq taamaallaat naqinnernik nassiussinnernut (tekstbaseret) aallernermullu killilerneqarsimavoq tamannalu pissutigalugu, assersuutigalugu assinik, filminik, nipinik aammalu internetsimi naapittarfinnik assigiinngitsunik ilinniarfinni atuarfinnilu atuisinnaaneq killilerneqarsimalluni.

Ilisimaneqartut internetsi paasissutissarpassuarnik ilinniarfiusinnaasunik aallerfiusinnaaginnarani aamma nunarsuarmi sumiikkaluartunut attaveqaatit pitsaalluinnartunik periarfissivoq. Internetsi aamma annertunerujartortumik niuernikkut periarfissanik ammaassiarporpoq, isummanik nutaanik pilersitsiviulluni kiisalu ungasianiit atuartitsissutit annertunerujartuinnartumik atorneqarluni.

Naak angerlarsimaffiit amerlanerujartuinnartut qarasaasiakkut internetsimut attaveqalersimagaluartut suli ilaqutariippassuaqarpoq attaveqatigiinnermut teknologimik atuilersimannngitsunik isumakulugineqarsinnaavorlu innuttaasut taakkua ineriartornermut kinguussaagaluttuinnarnissaat.

Siunnersuutip massuma attaveqatigiinnermi teknologiip ilinniartitaanikkut atortorissaarutit suli annermik atorneqalernissaa inuiaqatigiinnilu ineriartornermut suli maannamit annerusumik iluaqutaalernissaa siunertara.

UKA 2011/15

UPA 2011/18

UKA 2010/39

J.nr. 01.25.01/11FM-00018

Qupp. 1/1